

ანგარიში

15.06.2022 წ.

ხარაგაულის მუნიციპალიტეტის მერიის ჯანმრთელობისა და სოციალური დაცვის სამსახურის მიერ გაწეული მუშაობის შესახებ

ხარაგაულის მუნიციპალიტეტის მერიის ჯანმრთელობისა და სოციალური დაცვის სამსახური არსებული რესურსის ფარგლებში აქტიურ პოლიტიკას ატარებს მოსახლეობის ჯანმრთელობის დაცვისა და სოციალური უზრუნველყოფის კუთხით. საანგარიშო პერიოდში მოქალაქეთა დახმარების მიზნით მნიშვნელოვანი მუშაობა იქნა გაწეული მოსახლეობის ჯანმრთელობისა და სოციალური მდგომარეობის გაუმჯობესების მიზნით. წლის დასაწყისში გასულ წელთან შედარებით ჯანდაცვისა და სოციალური უზრუნველყოფის პროგრამებისთვის 478.3 ათასი ლარით მეტი დაიგეგმა. მუნიციპალიტეტის ბიუჯეტში ჯანდაცვა და სოციალური უზრუნველყოფა წარმოდგენილია 23 ქვეპროგრამით. მათ შორის ორი ქვეპროგრამა მოიცავს ჯანმრთელობის დაცვას, ხოლო სოციალური მიმართულებით მუშაობს 21 ქვეპროგრამა. მერიის მიერ განხორციელებული პროგრამებია:

060301 სამკურნალო და საოპერაციო ხარჯებით დახმარების პროგრამა, რომელიც მოიცავს კვლევების, ოპერაციების, სამედიცინო მომსახურების და რამდენიმე ქრონიკული დაავადების მედიკამენტების დაფინანსებას. არსებული გამოწვევის გათვალისწინებით, მედიკამენტებს დაემატა კოვიდის შემდგომი დადასტურებული გართულების მედიკამენტოზური მკურნალობა და კოვიდით გამოწვეული სუნთვის გამწვანების მქონე 6 წლამდე ასაკის ბავშვებში სარეაბილიტაციო კურსის თანადაფინანსება. გასულ წელს გეგმა განისაზღვრა 380,0 ათასი ლარით, მიმდინარე წელს დაგეგმილია 70,0 ათასი ლარით მეტი, ანუ – 450,0 ათასი ლარი. საანგარიშო პერიოდში ქვეპროგრამით გაცემულია 789 ადმინისტრაციული დაპირება, რაც გამოისახა 491,3 ათას ლარში. დაკმაყოფილდა 1019 განცხადება.

06 03 03 შშმ პირთა დახმარება, რომელიც მოიცავს 0-18 წლამდე ასაკის შშმ პირთა სამკურნალო-სარეაბილიტაციო კურსის და მედიკამენტების დაფინანსებას, კოხლეარული იმპლანტით მოსარგებლე ბავშვების ელემენტით უზრუნველყოფას და ასევე, შშმ პირის, რომელიც საჭიროებს მომვლელს, ყოველთვიურ დახმარებას. კოხლეარული იმპლანტის ელემენტით ყოველწლიურად სარგებლობს 4 არასრულწლოვანი, მედიკამენტების და სამედიცინო კურსის დაფინანსებით საანგარიშო პერიოდში ისარგებლა 55 მოქალაქემ. მომვლელის დახმარების მოსარგებლეა საშუალოდ 48 შშმ პირი.

06 03 04 ერთჯერადი ფინანსური დახმარება - ქვეპროგრამის ბიუჯეტით 2021 წლის დამტკიცებული გეგმა განისაზღვრა 120.0 ათასი ლარით. მიმდინარე წელს კი ქვეპროგრამის დამტკიცებულმა ბიუჯეტმა შეადგინა 350. 0 ათასი ლარი. ქვეპროგრამით საანგარიშო პერიოდში ისარგებლა 1738 მოქალაქემ.

06 03 05 ლეიკემიით დაავადებულთა და დიალიზზე მყოფი პირების დახმარება _ დიალიზის სახელმწიფო პროგრამის მოსარგებლე ბენეფიციარს გასული წლების განმავლობაში ტრანსპორტისთვის თვეში ერიცხებოდა 100 ლარი, 2021 წლის ივლისის თვიდან თანხა განისაზღვრა 150 ლარით, 2022 წლის იანვრიდან კი დიალიზის პროგრამაში ჩართულ ბენეფიციარებს ყოველთვიურად ერიცხებათ 200 ლარი. დიალიზის პროგრამაში დღეის მდგომარეობით ჩართულია 10 მოქალაქე. ლეიკემიით დაავადებულთა დახმარება წლიურად განსაზღვრულია 600 ლარით და მოსარგებლეა 3 ბენეფიციარი.

06 03 06 მრავალშვილიანი ოჯახების დახმარება, რომლის მოსარგებლეა 4 და მეტი შვილიანი ოჯახი. დახმარება თითოეულ ბავშვზე გასულ წელს შეადგენდა 50 ლარს. მიმდინარე წელს თანხა გაორმაგდა და განისაზღვრა ბავშვზე 100 ლარით. საანგარიშო პერიოდში შემოსულია 84 განცხადება. დახარჯულია 30.0 ათასი ლარი. უნდა აღინიშნოს, რომ მომართვიანობა გასულ წელთან შედარებით თითქმის გაორმაგებულია.

06 03 07 მარტოხელა მშობლების დახმარების ქვეპროგრამით გასულ წელს განსაზღვრული იყო ერთჯერადად 200 ლარი წლის განმავლობაში. მიმდინარე წლიდან დახმარება განისაზღვრა ყოველთვიურად 50 ლარით და წელიწადში შეადგენს 600 ლარს. ქვეპროგრამით სარგებლობს 10 მარტოხელა მშობელი.

06 03 08 მარჩენალდაკარგულთა დახმარება. დახმარების მიმღებია 21 წლამდე ასაკის დედით ან მამით ობოლი ბავშვი. ქვეპროგრამით ისარგებლა 15 ბენეფიციარმა და დახარჯულია 2,4 ათ. ლარი.

06 03 09 ყოველთვიური დახმარების პროგრამის ბენეფიციარები არიან სამამულო ომის ვეტერანები, უსინათლოები და დევნილები. გასულ წელს დახმარება გაიწეოდა 30 ლარით, 2022 წლიდან განისაზღვრა 50 ლარით. საანგარიშო პერიოდში საშუალოდ მოსარგებლეა 97 მოქალაქე.

06 03 10 საქართველოს ტერიტორიული მთლიანობისათვის ომში დაღუპულთა ოჯახების დახმარება. დახმარების მიმღებია საქართველოს ტერიტორიული მთლიანობისთვის ომში დაღუპულის ოჯახის წევრი, რომელსაც პირველი რიგის მემკვიდრე არ ყავს და რომელზეც არ ვრცელდება „ომისა და სამხედრო ძალების შესახებ“ კანონის მე-16 მუხლის კრიტერიუმები. დახმარება განისაზღვრება 2000 ლარით და სარგებლობს 4 ბენეფიციარი.

06 03 11 ხანდაზმულთა დახმარება. დახმარების მიმღებია 100 წელს გადაცილებული მოქალაქე. მიმდინარე წელს დახმარება განისაზღვრება 1000 ლარით. ამ დროისთვის გვყავს 2 ბენეფიციარი.

06 03 12 სადღესასწაულო დღეების დახმარება. დახმარება მოიცავს სადღესასწაულო დღეებში მოწყვლადი ჯგუფების დახმარებას. საანგარიშო პერიოდში ქვეპროგრამით ისარგებლა 1464 მოქალაქემ. აქედან გასული წლის დეკემბერში, წინასახლწლოდ 50 ლარის ოდენობით დახმარება გაიცა 589 ოჯახზე_30.0 ათას ლარამდე, ალილოს დღესასწაულისთვის შეძენილი იქნა 50 ცალი სასურსათო პაკეტი, ძველით საახალწლოდ, უსინათლოებსა და სხვა მოწყვლად ჯგუფზე გაიცა ფინანსური დახმარება 50ლარის ოდენობით 425 ოჯახზე, საადგომო დღეებში 100 ლარით დახმარება გაეწია უკიდურესად გაჭირვებულ 372 ოჯახს, მარტის სადღესასწაულო დღეებში საჩუქრები იქნა შეძენილი ტერიტორიული მთლიანობისთვის დაღუპული გმირების დედებისთვის. ასევე, ისარგებლა ქვეპროგრამით დადგენილმა სხვადასხვა კატეგორიის 28 ბენეფიციარმა.

06 03 13 სოციალურად დაუცველი ან უპატრონო გარდაცვლილის ოჯახის დახმარება; დახმარების მიმღებია 65000 სარეიტინგო ქულამდე გარდაცვლილის ოჯახი. ამ მიმართულებით საანგარიშო პერიოდში დახარჯულია 10,8 ათ. ლარი. შემოსულია 60 განცხადება, ისარგებლა 53 ოჯახმა.

06 03 15 ახალშობილთა ოჯახების დახმარება. პირველი ბავშვის შეძენისას ოჯახისათვის გაწეული დახმარება შეადგენს 100 ლარს, მეორე ბავშვის შეძენის შემთხვევაში_150 ლარს, მესამე_200 ლარს, მეოთხე_250 ლარს, მეხუთე_300 ლარს და ყოველი მომდევნო ბავშვის შეძენისას თანხა იზრდება 50 ლარით. ტყუპების შეძენის შემთხვევაში თანხა განისაზღვრება 500 ლარით. სამი და მეტი ტყუპის შეძენის შემთხვევაში დახმარება განისაზღვრება 1500 ლარით. შემოსულია 128 განცხადება, საანგარიშო პერიოდისთვის 114 ახალშობილის ოჯახზე გაწეული დახმარება შეადგენს 19.75 ათ. ლარს.

06 03 16 ომის ვეტერანთა და იძულებით გადაადგილებულ პირთა დაკრძალვა დაკრძალვის ხარჯი შეადგენას 250 ლარს და ამ მიმართულებით საანგარიშო პერიოდში დახარჯულია 1,0 ათ. ლარი.

06 03 17 სტიქიური მოვლენების, ხანძრის შედეგად დაზარალებულთა და მძიმე საცხოვრებელი პირობების მქონე მოქალაქეთა მატერიალური დახმარება მოიცავს სტიქიური მოვლენების შედეგად დაზარალებულ და მძიმე საცხოვრებელი პირობების მქონე მოქალაქეთა დახმარებას, უსახლკარო პირთა და ძალადობის მსხვერპლთა მინიმალური საცხოვრებელი (ბინის ქირით) უზრუნველყოფას. გასულ წელს ბინის ქირით უზრუნველყოფდით 5 მოქალაქეს, ამ ეტაპზე წელს ბინის ქირის გადახდით სარგებლობს 3 მოქალაქე. ლარი. ხანძრის შედეგად დაზარალებული და მძიმე საცხოვრებელი პირობების მქონე სხვადასხვა კატეგორიის 188 ოჯახს გაეწია დახმარება 157,85 ათასი ლარით. მ.შ. პირველი კატეგორიით დაკმაყოფილდა 16 განცხადება, მეორე კატეგორიით _ 166 განცხადება, მესამე კატეგორიით _ 6 განცხადება.

06 03 18 უფასო სასადილოს დაფინანსება გასულ წელთან შედარებით 31.0 ათასი ლარით მეტი დაიგეგმა. ეტაპობრივად 25.0 ათასი ლარით მოხდა დამატებით თანხის მობილიზება, რამაც საშუალება მოგვცა კეთილმოწყობილიყო სამზარეულო, შეძენილი იქნა დიდი გაზქურა თავისი გამწვით,

სამზარეულოს ინვენტარი, რემონტი ჩაუტარდა სამზარეულოსა და სასადილო ოთახს, კეთილმოეწყო სველი წერტილები. სათნოების სახლი გასულ წელს ემსახურებოდა 105 ბენეფიციარს. დღეის მდგომარეობით ბენეფიციართა რაოდენობა გაზრდილია 142-მდე. ივლისის თვეში იგეგმება 15 ბენეფიციარის დამატება. პირველ რიგში ყურადღება მიექცა ბენეფიციართა კვების რაციონის გამრავალფეროვნებას. შეიქმნა სასადილოში იმის პირობები, რომ მსურველებმა სახლში წადების ნაცვლად თავისი დღიური ულუფა მიირთვან ადგილზე. განსაკუთრებულად აღინიშნა დღესასწაულები_ ქალთა დღე, აღდგომა და ბავშვთა დაცვის დღე.

გაფართოვდა მომსახურების არეალი, სასადილო კვირაში ორი დღე მზა საკვების ადგილზე მიტანით ემსახურება ახლომდებარე ადმ. ერთეულებში (სადანძილე, ბაზალეთი, ფარცხნალი, ლაშე). ასევე, მიმართვების საფუძველზე საკვები პროდუქტით დახმარება გაიწევა სხვა ადმინისტრაციულ ერთეულში მცხოვრებ უკიდურესად გაჭირვებულ ოჯახებზე. მუნიციპალიტეტში აღრიცხულ უკრაინელ ლტოლვილებს არაერთხელ გაეწიათ საკვები პროდუქტით დახმარება.

06 03 19 სოციალური უზრუნველყოფის ობიექტების რეაბილიტაცია და საგრანტო პროექტების ხელშეწყობა. როგორც მოგეხსენებათ, ქვეპროგრამის ფარგლებში ბავშვთა ადრეული განვითარების მომსახურების დანერგვის მიზნით დაბა ხარაგაულში გარემონტდა და ადაპტირდა შესაბამისი ფართი, აღიჭურვა შესაბამისი ინვენტარით. პროექტის ფარგლებში მიმდინარეობდა 0-დან 7 წლამდე ასაკის ბავშვების მომსახურება როგორც ბინაზე ვიზიტით, ასევე, ჯგუფური მეცადინეობები. აქვე გამოიკვეთა ლოგოპედის ჩართვის საჭიროება, რასაც მუნიციპალიტეტი აფინანსებს. რის შედეგადაც მშობლებს არ უწყევთ ამ მომსახურების მისაღებად სხვა მუნიციპალიტეტში გადაადგილება. საგრანტო პროგრამა დასრულდა, თუმცა, დანერგილი სერვისის მდგრადობა მნიშვნელოვანია და ურთიერთთანამშრომლობის ფარგლებში გრძელდება ბავშვებთან მუშაობა, გაფორმებულია საიჯარო ხელშეკრულება, ასევე, ხელშეკრულება მომსახურების მიწოდებაზე 10.0 ათასი ლარის ფარგლებში. სახელმწიფო პროგრამაში ამ დროისთვის პროექტის დამსახურებით 20 ბავშვიდან ჩაერთო 9 ბავშვი, მომლოდინეთა სიაშია 11 ბავშვი და ლოგოპედის მომსახურება ესაჭიროება 13 ბავშვს. ივნისის თვიდან განახლდა ჯგუფური მეცადინეობები.

06 03 20 გასული წლიდან ამოქმედდა გადაუდებელი რეაგირების ქვეპროგრამა. ქვეპროგრამა მოიცავს ისეთ მდგომარეობას, როდესაც მოკლებული ვართ შესაძლებლობას, მოქალაქემ ისარგებლოს სხვა მუნიციპალური პროგრამით. საანგარიშო პერიოდში განხილული იქნა 7 განცხადება და გაიწია შესაბამისი დახმარება.

06 03 21 ასევე, სიახლეა ომისა და სამხედრო ძალების დახმარება_ ქვეპროგრამის მოსარგებლეა ომისა და სამხედრო ძალების ვეტერანი. ქვეპროგრამით ისარგებლა 67 ვეტერანმა.

- საანგარიშო პერიოდში მუნიციპალიტეტის ბიუჯეტის სარეზერვო ფონდიდან მერიის სოციალურ პროგრამებზე გამოყოფილი იქნა 48981 ლარი. აქედან 13881 ლარი მიმართულია

მოქალაქეთა სამედიცინო დახმარების ქვეპროგრამაში, 28000 ლარი მიმართულია სტიქიის შედეგად დაზარალებული მოქალაქეების დასახმარებლად, ხოლო 7100 ლარი მიმართა ერთჯერადი ფინანსური დახმარების ქვეპროგრამაში მოქალაქეების საზღვარგარეთ მკურნალობის მიზნით.

- ა(ა)იპ ხარაგაულის საზოგადოებრივი ჯანმრთელობის დაცვის ცენტრის მიერ ხორციელდება სხვადასხვა პროგრამები, რაც ხელს უწყობს მოსახლეობის ცხოვრების ჯანსაღი წესის უზრუნველყოფას, გადამდები და არაგადამდები დაავადებების გავრცელების თავიდან აცილებას, მონიტორინგს დაავადებათა ეპიდზედამხედველობაზე, შემთხვევათა /ეპიდემიოლოგიათა/ გამოვლენას, რეგისტრაციას, კვლევას, დადასტურებას, ანალიზს, მონაცემთა ანგარიშგებას, საპასუხო რეაგირებას და მზადყოფნასთან დაკავშირებულ მოქმედებებს, უკუკავშირს და კომუნიკაციას. ხარაგაულის საზოგადოებრივი ჯანმრთელობის დაცვის ცენტრი ვალდებულია პერიოდულად განახორციელოს: პოლიკლინიკის, ანტირაბიული კაბინეტის, კლინიკო-დიაგნოსტიკური ლაბორატორიის, პირველადი საზოგადოებრივი ჯანდაცვის ცენტრების მონიტორინგი - ეპიდ. ზედამხედველობის კუთხით. ახალი კორონავირუსული ინფექციის გავრცელების გამო, ხარაგაულის საზოგადოებრივი ჯანმრთელობის დაცვის ცენტრი, ანხორციელებდა ყველა იმ ღონისძიებას, რომელიც საქართველოს მთავრობის მიერაა შემუშავებული ბრძანებებით და დადგენილებებით. ასევე იმ პროტოკოლებით, რომელიც იყო და არის დღემდე გათვალისწინებული. ტარდება კვლევა როგორც პოლიმერაზული ჯაჭვური რეაქციით, ასევე სწრაფი ანტიგენტესტით. საჭიროების შემთხვევაში ხდება მოქალაქეთა ბინაზე მომსახურებაც ტესტირებს მიზნით. მერიის აქტიური ჩართულობით, ზონალურად ხდებოდა აცრის მსურველი ბენეფიციარების ტრანსპორტით უზრუნველყოფა ამცრელ პუნქტებამდე. ასევე ამცრელი ბრიგადის მიერ ვაქცინაცია განხორციელდა ბინაზე მომსახურებით უნარშეზღუდული პირებისთვის. მინდა ვისარგებლო შემთხვევით და მადლობა გადავუხადო მედიცინის მუშაკებს გაწეული თავდაუზოგავი შრომისთვის. შეუფერხებლად მიმდინარეობს ეპიდზედამხედველობის და იმუნიზაციის სახელმწიფო პროგრამები. იგეგმება C ჰეპატიტის, შიდსის და ტუბერკულოზის ინტეგრირებული საპილოტე სკრინინგ-პროგრამის განახლება. აქტიურად მიმდინარეობს სკრინინგის სახელმწიფო პროგრამაში სამიზნე ჯგუფების აქტიურად ჩართვა დაავადების ადრეული გამოვლენის მიზნით.

- გასული წლის აპრილის თვიდან მერიაში შეიქმნა მეორადი სტრუქტურული ერთეული ბავშვთა უფლებების დაცვისა და მხარდაჭერის განყოფილება, რომელიც მიმდინარე წლის აპრილის თვიდან დაექვემდებარა ჯანდაცვისა და სოციალური დაცვის სამსახურს. განყოფილება დაკომპლექტებულია ოთხი თანამშრომლით - განყოფილების უფროსი, სოციალური მუშაკი, ჯანდაცვის სპეციალისტი და ფსიქოლოგი. განყოფილების მიერ ბენეფიციარებს გაეწევათ მატერიალურ-საყოფაცხოვრებო და მორალურ-სამართლებრივი დახმარება, დგინდება

კონკრეტული მდგომარეობის მიხედვით გასაწევი დახმარების ფორმა და მოცულობა სოციალური, ფსიქოლოგიური და აკადემიური ფუნქციონირებისა და ოჯახის კეთილდღეობის გაუმჯობესების მიზნით. განყოფილების მიერ კონსულტაცია გაეწევათ ინდივიდებს, ჯგუფებს, ოჯახებს და საზოგადოების სხვა წევრებს ფსიქიკური ჯანმრთელობის, სიღარიბის, უმუშევრობის ნარკოტიკული ნივთიერების მავნებლობის, ძალადობის, რეაბილიტაციის, ბავშვის მოვლისა და სამედიცინო დახმარების საკითხებში. შეფასდება სიტუაცია, პრობლემა, შესაძლებლობები და განისაზღვრება მომსახურება, რომელსაც ისინი საჭიროებენ.

მომართვიანობის საფუძველზე განყოფილებაში განხილულია 30-ზე მეტი შემთხვევა. ყველა მათგანზე მოხდა ჯგუფური გასვლა და არსებული მდგომარეობის ადგილზე შესწავლა. სოც მუშაკის მიერ თითოეულ შემთხვევაზე შექმნილია ინდივიდუალური საქმე. ზოგიერთი შემთხვევა მიმდინარეა, განყოფილების თანამშრომლების მხრიდან მიმდინარეობს ასეთი ოჯახების და ბავშვთა მონიტორინგი.

განათლების სამინისტროსთან ერთად განხორციელდა სკოლის მიღმა დარჩენილი ბავშვების მონიტორინგი. კერძოდ, მოხდა ისეთი მოზარდების იდენტიფიცირება, რომლებსაც მიუხედავად სასკოლო ასაკისა, არასდროს ჰქონიათ მოსწავლის სტატუსი და არ ირიცხებიან არცერთ სკოლაში.

განყოფილების თანამშრომლების მიერ ოჯახებში განხორციელებული ვიზიტების შედეგად მოხდა იმ ძირითადი შემაფერხებელი ფაქტორების მოკვლევა, რის გამოც აღნიშნული მოზარდები არ ირიცხებიან ფორმალური განათლების სისტემაში, შესაძლებელია თუ არა მათი ზოგადი განათლების სისტემაში ინტეგრაცია, თუნდაც დისტანციური სწავლების ფორმით. მათი ინდივიდუალური საჭიროების გათვალისწინებით, სამომავლოდ საქართველოს განათლებისა და მეცნიერების სამინისტრო, ხარაგაულის საგანმანათლებლო რესურსცენტრთან და მერიის ბავშვთა უფლებების დაცვის და მხარდაჭერის განყოფილებასთან ერთად გეგმავს შეიმუშაოს ისეთ პროგრამა, რომელიც უზრუნველყოფს ასეთ ბავშვთა განათლების და განვითარების პროგრესის მხარდაჭერას.

განყოფილების ჩართულობით მოხდა ერთი არასრულწლოვანი ბენეფიციარის ჭიათურის სპეციალურ საჭიროების მქონე სკოლა-პანსიონში გადაყვანა. აღნიშნულ საქმეზე განხორციელებული მონიტორინგის ფარგლებში მოზარდის განვითარების დადებითი მაჩვენებელი საგრძნობლად გაზრდილია.

განყოფილების ინიციატივით და ადმინისტრაციულ ერთეულებში მერის წარმომადგენლების ჩართულობით, მუნიციპალიტეტის მასშტაბით, მოხდა ისეთი ოჯახების აღრიცხვა, სადაც ცხოვრობენ არასრულწლოვნები და შეიქმნა ბაზა, რომელიც მანამდე არ ქონდა მუნიციპალიტეტს. აქედან გამომდინარე, მიმდინარეობს მუშაობა არასრულწლოვანთა მხარდაჭერის გრძელვადიანი პროგრამის შესაქმნელად, რომელსაც წარვუდგენთ მერს და ვიმედოვნებთ, რომ გათვალისწინებული

იქნება მომავალი წლის ბიუჯეტში. გრძელვადიანი პროგრამა გულისხმობს არასრულწლოვანთა ოჯახების ეკონომიკურ გაძლიერებასა და მათი კონკრეტული საჭიროებების დაკმაყოფილებას.

მიმდინარეობს ასევე, არასრულწლოვან შშმ პირთა ბაზის შექმნა (სტატუსიანი, უსტატუსო) რომლის დასრულების შემდეგაც ვგეგმავთ პროექტის განხორციელებას მუნიციპალიტეტის სასწავლო დაწესებულებებში ინკლუზიური განათლების ხელშეწყობის მიზნით. სამომავლოდ განყოფილების მიზანია შეიქმნას მრჩეველთა საბჭო, რომელიც დაკომპლექტებული იქნება სამთავრობო და არასამთავრობო ორგანიზაციებში დასაქმებული სხვადასხვა პროფესიის ადამიანებით. საბჭოს შექმნის მიზანია ბავშვთა განყოფილების საშუალებით მოხდეს სოციალიზაცია ბენეფიციარსა და აღნიშნულ სტრუქტურებს შორის.

დაიგეგმა ვიზიტები სასწავლო დაწესებულებებში, განყოფილების საქმიანობის შესახებ ინფორმირების მიზნით. შევხვდით საგანმანათლებლო რესურსცენტრის ხელმძღვანელს და საჯარო სკოლების დირექტორებს, რათა კიდევ უფრო მეტად გაღრმავდეს ჩვენს შორის კომუნიკაცია, ერთი საერთო ინსტერესის - ბავშვის კეთილდღეობის გამო.

ამ ეტაპზე მიმდინარეობს მონიტორინგი ისეთ ოჯახებში, სადაც უკვე თითქმის ერთი წელია ვმუშაობთ და ვაფასებთ ქეისების ინდივიდუალური გეგმის მიზან-შედეგობრივ არსს. მინდა აღვნიშნო, რომ მომართვიანობა საკმაოდ მაღალია.

- სამსახურში მიმდინარე წლის თებერვლის თვიდან დასაქმებულია თემის სოციალური მუშაკი, რომელმაც ამ მცირე დროში წარმოებაში მიიღო 9 შემთხვევა. მათგან 4 შემთხვევა დასრულდა ბენეფიციარისთვის დროული და საჭირო დახმარების გაწევით, ორი შემთხვევა გადაეცა სსიპ სახელმწიფო ზრუნვისა და ტრეფიკინგის მსხვერპლთა, დაზარალებულთა დახმარების სააგენტოს მეურვეობა-მზრუნველობის და მხარდაჭერის სერვისების დეპარტამენტის იმერეთის რეგიონალურ ცენტრს. ერთ შემთხვევაზე მიმდინარეობს პრევენციული ღონისძიებები ოჯახის გაძლიერების მიზნით, ხოლო 2 შემთხვევა_ მოკვლევის და განხილვის პროცესშია.
- მუნიციპალიტეტის მოსახლეობას მომსახურებას უწევს 14 ს/ამბულატორია. წესრიგდება შიდა კომუნიკაციები, ეტაპობრივად ხდება ამბულატორიების მუნიციპალიტეტისთვის გადმოცემა, ყველგან შეყვანილია ინტერნეტი, რათა მოქალაქეებს არ შეექმნათ შეფერხება ჯანდაცვის პირველადი რგოლის მომსახურებისას.
- მოქალაქეებს სამსახურის მიერ ყოველდღიურ რეჟიმში გაეწევათ კონსულტაცია საყოველთაო ჯანდაცვის დაზღვევის პროგრამით გათვალისწინებულ მომსახურებასა და ქრონიკული დაავადებების სამკურნალო მედიკამენტებით უზრუნველყოფის პროგრამის შესახებ.

- სამსახური აქტიურად თანამშრომლობს ვეტერანების საქმეთა სახელმწიფო სამსახურთან, გაიწევა კონსულტაციები ვეტერანებისთვის აქტუალურ საკითხებზე, ასევე, ხდება მათი დახმარება მუნიციპალური პროგრამის ფარგლებში.
- სამსახურის მიერ ასევე ხორციელდება ეკომიგრანტი ოჯახების ადგილობრივ დონეზე მომსახურება. მიმდინარე წელს შესწავლილია 21 ოჯახი და გადაგზავნილია შესაბამის უწყებაში.
- მოქალაქეთა მომართვის საფუძველზე სამსახურის მიერ მზადდება სსიპ გარემოს ეროვნულ სააგენტოში შუამდგომლობა საკარმიდამო ნაკვეთის და სცხოვრებლის გეოლოგიური კუთხით შეფასების მიზნით. მიმდინარე წელს გადაგზავნილია 20 მიმართვა.
- სამსახური მუშაობას წარმართავს სამსახურის დებულების შესაბამისად, ხელმძღვანელობს თვითმმართველი ერთეულის ბიუჯეტიდან სოციალური დახმარების გაცემისა და მიღების წესით. მერიაში, როგორც მოგეხსენებათ, მოქმედებს სოციალურად დაუცველ და მძიმე ეკონომიური პირობების მქონე მოქალაქეთა განცხადებების შემსწავლელი კომისია, რომელიც ძირითადად დაკომპლექტებულია სამსახურის თანამშრომლებით, კომისიას ხელმძღვანელობს მერის პირველი მოადგილე, დარგის კურატორი, ბატონი ვარლამ ჭიპაშვილი, რომელიც აქტიურადაა ჩართული სამუშაო პროცესში, დაუყოვნებლივ ხდება განხილვა და რეაგირება სასწრაფო და მნიშვნელოვან საკითხებზე. ვთანამშრომლობთ მაჟორიტარი დეპუტატის ბიუროსთან, მუნიციპალიტეტის საკრებულოსთან. აქვე, ვისარგებლებ შემთვევით და მადლობას გადავუხდით დეპუტატებს აქტიური ჩართულობისთვის მოქალაქეთა დახმარების საკითხებში. ასევე, არაერთხელ განხორციელებული საბიუჯეტო ცვლილებების და ინიციატივების მხარდაჭერისთვის, რომელიც, რასაკვირველია, ისევ მოქალაქეთა კეთილდღეობისკენაა მიმართული. სამსახურის თანამშრომლები აქტიურ მუშაობას ეწევიან სხვადასხვა კომისიის და სამუშაო ჯგუფის შემადგენლობაში, კომპეტენციის ფარგლებში ვთანამშრომლობთ სხვადასხვა სახელმწიფო უწყებასთან.

